



UNIVERSITÄTS-  
BIBLIOTHEK  
PADERBORN

**Institvtionvm// Ad Vniversvm// Ivs Pontificivm, Sive//  
Canonicvm, Libri Qvatvor**

**Lancellotti, Giovanni Paolo**

**Basileae, 1566**

xviiij. De Restitutione in integrum.

---

[urn:nbn:de:hbz:466:1-61756](https://nbn-resolving.org/urn:nbn:de:hbz:466:1-61756)

DE RESTITVTIO-  
ne in integrum,

TITVLVS XVIII.

Minor & Ecclesia restituantur aduersus  
sententiam, etiam à sede Apostolica latam.  
hoc dicit.

**A**Dhuc autem ijs, qui appella-  
tionis remedio destituti  
sunt, auxilio restitutionis  
in integrum succurritur, sed nec  
omnibus, nec semper, nec ab om-  
nibus. Minor igitur & Ec-  
clesia, si se prolatione senten-  
tiæ grauerit læsos conqueran-  
tur, & appellandi tempora iam  
fluxerint, restitutionem in inte-  
grum implorare poterunt. Quod  
quidem adeo obtinet, vt etiam  
si ab Apostolico<sup>b</sup> sententia lata  
fuerit, non propterea magis in in-  
tegrum restitutionis petitio impe-  
diatur. Nec enim negatur<sup>c</sup> Ro-  
manæ sedis sententiã in melius  
posse commutari, cum aut sur-  
reptum aliquid fuerit, aut ipsa  
pro consideratione ætatum, &  
temporum, seu grauium neces-  
sitarum aliquid ordinauit.

Restituitur Ecclesia aduersus quamlibet læ-  
sionem, etiam aduersus aliam Ecclesiam. hoc  
dicit.

Sed & si nõ sententia, sed vel  
contractu<sup>d</sup>, vel confessione<sup>e</sup>,  
vel probationis omissione, vel  
temporis fluxu<sup>f</sup> Ecclesia læsa  
fuerit, restitutio indulgenda  
erit: nec solum contra priuatos

homines, sed etiam aduersus a-  
liam Ecclesiam<sup>g</sup>.

Beneficium restitutionis in integrum non in-  
dulgetur, nisi intra quatuor annos, si non subsit  
aliqua rationabilis causa, ut dictum spaciũ pro-  
rogetur. h. d.

Sed<sup>h</sup> siue sententia, siue con-  
tractu, vel aliter se læsam præte-  
dat Ecclesia, & propterea se ad  
beneficium restitutionis in in-  
tegrum admitti postulet, si qua-  
driennij spaciũ à die læsionis  
lapsum fuerit, amplius restituẽ-  
da non erit, nisi præuaricatio-  
nis, vel manifestæ fraudis pro-  
betur super hoc intervenisse cõ-  
mentum, aut alia causa subsit,  
quæ iudicem ad hoc beneficium  
concedendum mouere debeat.  
Et<sup>i</sup> si tempore læsa asseratur, nõ  
fiet restitutio, nisi ad tantũ tem-  
poris, in quantum se læsam es-  
se, legitime probauerit.

Restitutio in integrum semel negata non cõ-  
ceditur amplius, etiam in alio iudicio, nisi duo-  
bus casibus hęc contentis. h. d.

Quòd si semel<sup>k</sup> restitutio in  
integrum in alio iudicio dene-  
gata fuerit, præter quàm ad ap-  
pellationem omisam, non erit  
eidem amplius concedenda, ni-  
si si nouis defensionibus ad hu-  
iusmodi beneficium admitten-  
da fuerit.

Ponit, qui & quando possunt de restitutio-  
ne in integrum cognoscere. h. d.

Huiusmodi<sup>l</sup> verò restitutio-  
num causæ solum coram iudi-

g cap. audl-  
tis. extrau.  
cod. tit.

h cap. 1. eod.  
tit. in 6.

i clem. uni. co.  
titul.

k cap. fin. co.  
tit. extr.

l cap. pen. extr.  
cod. tit.



cibus ordinarijs administrationem habentibus, vel delegatis ab eis tractari poterunt, & terminari: siue hoc ipsis delegatis specialiter mandatū fuerit, siue commisso eis negotio, huiusmodi quæstionem incidere contingat. Delegati verò ab Ordinarijs, qui administrationem non habent, sed tantummodò iudicandi facultatem, siue arbitri de his causis cognoscere nequeunt, nisi coram eis incidenter motæ fuerint.

*Per querelam & supplicationem retractatur sententia. Et sub qua forma supplicatio porrigatur. h. d.*

*gloss. in ver.  
supplicavit.  
cap. ex literis.  
extra. eod. tit.*

Per supplicationem a quoque Principi porrectam, aut

per querelam appellationis re medio destitutis subueniri solet. Erit autem supplicatio intra decem dies post sententiam offerenda: quo subsecuto sententia non aliter executioni mandabitur, quam si victrix pars idoneam fideiussionem præbuerit, tantum restituendi cum legitimis augmentis, quātum fuerit in condemnatione, si legitima retractatione sententia resoluatur. Et nisi sub hac forma supplicatio porrigatur, executio sententiæ sine fideiussione procedet, retractationis iure illi seruando, qui se grauatum putauerit, vt intra biennium supplicare valeat.

FINIS LIBRI TERTII